

ԽՈՐՀՐԴԱՅԻՆ ԱՐՐԲԵՋԱՆԻ ԷԹՆԻԿ ԽՃԱՆԿԱՐԸ ԵՎ ԱԶԳԱՅԻՆ ՀԱՐՑԻ ԼՈՒԾՄԱՆ ԱՐՐԲԵՋԱՆԱԿԱՆ ՄԵԹՈՂՆԵՐԸ¹

Վահագն Դադայան

Ասպիրանտ

ԱրդՀ

Բանալի բառեր՝ Դարաբաղ, էթնոքաղաքական, ազգային, էթնիկ խումբ, էթնոանուն, Ադրբեջան, ժողովրդագրական, թալիշներ, թաթեր, քրդեր, լեզգիներ:

Ազգային բնույթի խնդիրները բնորոշ են մի քանի պետություններ ընդգրկող և տարբեր ազգեր միավորող պետական կազմավորումներին: Այդպիսին էր նաև Խորհրդային Սոցիալիստական Հանրապետությունների Միությունը (այսուհետ՝ ԽՍՀՄ), որն իր մեջ ընդգրկելով 15 միութենական հանրապետություններ, փորձում էր լուծումներ գտնել այդ պետություններից գրեթե յուրաքանչյուրում առկա ազգային բնույթի հարցերի լուծման համար: Լենինյան ազգային քաղաքականության ծրագիրն առաջադրում էր բոլոր ազգերի ու ազգությունների հավասարության, ազգային արտոնությունների ու սահմանափակումների վերացման, ազգերի ինքնորոշման՝ ընդհուպ մինչև անջատվելու և ինքնուրույն պետություն կազմելու իրավունքի ճանաչման, ազգային լեզուների և մշակույթի ազատ զարգացման ապահովման և բոլոր ազգերի աշխատավորների համախմբման ու միասնական հեղափոխական կազմակերպությունների մեջ միավորելու սկզբունքները²:

Իրականում ստալին-լենինյան ազգային քաղաքականության անցկացման հարցերում խորհրդային կուսակցական անվանացանկի ծանր, միևնույն ժամանակ նաև «խտրություն չդնող» ձեռքը գրեթե անտեսում էր ԽՍՀՄ տարածքում առկա էթնոքաղաքական իրողությունները: Հետագայում որոշ իրողություններ ճիշտ ընկալվեցին, և խորհրդային ղեկավարությանը հաջողվեց թուլացնել և ժամանակավորապես չեզոքացնել ազգային հարցերը: Սակայն էթնոքաղաքական բնույթի հարցերը մեծ նշանակություն ունեն, հատկապես խոշոր դաշնության դեպքում, երբ նույնիսկ մեկ չլուծված կամ սառեցված խնդիրը կարող է արթնացնել

¹ Հոդվածը ընդունված է 11.12.14:

² Հայկական սովետական հանրագիտարան, հատոր 1-ին, Երևան, 1974, էջ 108:

մնացած բոլոր՝ կարգավորված թվացող ազգային հակամարտությունները¹:

Հետևաբար, ԽՍՀՄ գոյության տարիներին ազգային հարցը եղել էր այն «դանդաղ գործող ռումբը», որը հետագայում վերջինիս փլուզման հիմնական շարժառիթներից մեկը հանդիսացավ:

Ադրբեջանի բոլշևիկյան կուսակցության և Ադրբեջանում գտնվող թուրք զինվորականների զինված խմբերի իրականացրած զինված հեղաշրջման արդյունքում 1920թ. ապրիլի 27-ին պատմության թատերաբեմը լքեց Ադրբեջանի Դեմոկրատական Հանրապետությունը (այսուհետ՝ ԱԴՀ) (1918-1920 թթ.)՝ իր տեղը զիջելով նորաստեղծ Ադրբեջանի Խորհրդային Սոցիալիստական Հանրապետությանը (1920-1991 թթ.):

Նկատենք, որ ԱԴՀ կոչվող տարածքում բնակվում էին տարբեր ազգություններ ու էթնիկ խմբեր՝ հայեր, թաթեր, թալիշներ, քրդեր, ռուսներ, ինչպես նաև կովկասյան թաթարներ և այլն: Նրանցից յուրաքանչյուրն ուներ տվյալ տարածքում պատմական ձևավորման և զարգացման իր առանձնահատկությունները՝ բնիկ ու եկվոր, նստակյաց կամ քոչվոր, առկա էին նաև կրոնական տարբերություններ՝ քրիստոնյաներ և մուսուլմաններ, շիաներ և սունիներ: Այդ իսկ պատճառով, «ադրբեջանցի» տերմինը սկզբնապես չէր նշանակում և չէր էլ կարող նշանակել ազգություն, քանի որ որպես այդպիսին այն տվյալ ժամանակահատվածում գոյություն չուներ: «Ադրբեջանցին» էթնանուն չէր, այլ Անդրկովկասի նորաթուխ պետական կազմավորման՝ ԱԴՀ-ի տարածքում բնակվողների ընդհանուր անվանումն էր: Նույնիսկ 1926թ. Խորհրդային Միությունում տեղի ունեցած առաջին մարդահամարի ժամանակ հաշվառված ազգությունների թվում կրկին չկան «ադրբեջանցիները»: Մարդահամարի արդյունքները նշում էին այնպիսի ժողովուրդների մասին, ինչպիսիք էին յալուտները, մորդովացիները, բուրյաթները, վայնախները, պերմյակները, բայց ոչ ադրբեջանցիները: Ցանկում տեսանելի է «թյուրքեր» էթնոանունը, որի անվան տակ մասամբ արձանագրեցին այն, ինչ հետագայում կոչվեց ադրբեջանցի: 1929թ. Թիֆլիսում լույս տեսած «Անդրկովկասը

¹ Մ. Աղաջանյան *Ադրբեջանի ազգային փոքրամասնությունները. իրավաքաղաքական ասպեկտներ*, «21-րդ դար», թիվ 3, 2006թ, էջ 124-25:

թվերով» վիճակագրական պաշտոնական տեղեկատվություն կրկին բացակայում է «ադրբեջանցի» էթնո անունը¹:

Հետևաբար ազգային հարցը Խորհրդային Ադրբեջանում էությամբ և բովանդակությամբ էականորեն տարբերվում էր ԽՍՀՄ միութենական մյուս հանրապետություններում առկա ազգային բնույթի խնդիրներից, որն էլ ենթադրում էր ավելի սուր դրսևորումներ:

Ընդհանրապես բազմաէթնիկ հասարակությունները, կազմված լինելով տարբեր էթնիկ խմբերից, այսինքն տարբեր լեզուների, կրոնների, ու մշակույթների կրողներից, որպես կանոն միշտ բախվում են էթնիկ ռիսկի երևույթին: Էթնիկ ռիսկը էթնիկ գործոնի բացասական ազդեցությունն է քաղաքական կայունության վրա²: Սա բավականին լավ գիտակցում էր ադրբեջանական նորաթուխ բոլշևիկ ղեկավարությունը, ուստի ԱդրԽՍՀ-ի ձևավորման հենց առաջին օրերից որպես կարևոր պետական քաղաքականության ուղենիշ որդեգրվեց էթնոցիդը՝ իր բազմաֆունկցոնալ դրսևորումներով հանդերձ, որն իր հերթին ենթադրում էր մոնոէթնիկ հասարակության «կառուցում», որտեղ կա մեկ դոմինանտ էթնոս և փոքրաթիվ փոքրամասնություններ, հետևաբար և էթնիկ ռիսկերի ցածր մակարդակ:

Ուստի հողվածում մեր գլխավոր խնդիրն է հասկանալ Խորհրդային Ադրբեջանում գոյություն ունեցող ազգային հարցի էությունը և դրա առանձնահատկությունները:

Հաշվի առնելով ԽՍՀՄ գոյության ողջ շրջանում միութենական հանրապետություններից շատերում առկա ազգային բնույթի խնդիրների լուծման ուղղությամբ կենտրոնական մարմինների իրականացրած քաղաքականությունը, որն հաճախ անտեսում էր ԽՍՀՄ տարածքում ապրող ժողովուրդների ազգային շահերը, էթնիկ պատկանելիությունը և պատմական զարգացման առանձնահատկությունները՝ Ադրբեջանական ԽՍՀ-ում ազգային հարցում իրականացվող քաղաքականությունն ուներ բնորոշ առանձնահատկություններ: Դա պայմանավորված էր այդ տարածքում բնակվող ժողովուրդներից շատերի տեղաբնիկություն և «ադրբեջանցի» կոչվող նորահայտ ազգության կողմից նրանց ձուլելու, ադրբեջանցիների թվական գերակշռությունն ամեն հնարավոր և անհնարին

¹ Հ. Նահապետյան, *Ինչպես ստեղծել ժողովուրդ. Ադրբեջանական ինքնության ձևավորման խնդիրը* 20-րդ դարում, http://www.noravank.am/arm/articles/detail.php?ELEMENT_ID=7012

² Կ. Պողոսյան, Ա. Միրումյան, Դ. Բաբաջանյան «Քաղաքականություն և քաղաքագիտություն» Պրակ Գ, Երևան, 2006 էջ 60:

մեթոդներով ապահովելու ուղղությամբ իրականացվող քայլերով: Եվ պատահական չէ, որ ադրբեջանական բոլոր կարգի ձեռնարկումները համահունչ էին պանթուրքական գաղափարախոսությանը: Համաձայն որի՝ կառավարությունը «պետք է կռթնի բացառապես թուրք տարրին վրա և բացառապես ուժ տա անոր: Մյուս տարրերը գոյություն չունեն իբրև ուրույն ազգեր, անոնք իրավունքներ չունին: Պետք է թրքանան կամ կորսվին»:¹

Անդրկովկասը պատմական հայրենիքն է հայերի, վրացիների, աբխազների, լեզգիների, թալիշների, թաթերի, ուդիների և այստեղ հայտնված մյուս ազգությունների և ժողովուրդների, որոնք դարեր շարունակ այստեղ են ապրել²: Մոնղոլ-թաթարական և թյուրքական ցեղերի ներթափանցումը փոփոխություններ մտցրեցին տարածաշրջանի դեմոգրաֆիական պատկերի մեջ, բայց նրանք երբեք չեն համարվել տեղացի, աբորիգեն ժողովուրդ: Այս տարածաշրջանում բնիկ ժողովուրդներից հայերի և նրանց պատկանող մի շարք տարածքների նկատմամբ խորհրդային Ադրբեջանի իրականացրած քաղաքականությունը հանդիսանում է ուսումնասիրման առանձին նյութ:

Պարզ պատկերացնելու համար Բաքվի գործելակերպը երկրի բնակչության ազգային կազմի վիճակագրական տվյալների (թե Ադր.ԽՍՀ և թե Ադրբեջանական Հանրապետության ազգային քաղաքականության,) հարցում՝ հարկ է հիշեցնել, որ այնպիսի ազգեր և ազգություններ, ինչպիսիք են օսերը, ասորիները, ջեկերը, գնչուները, լաքերը, եզդիները, լատգալները, մարիները և այլք, սկսած 1926 թվականից և շատ երկար ժամանակով անհետանում են Բաքվի պաշտոնական վիճակագրական տվյալներից: Ղե, իսկ թալիշների, քրդերի, խինալուգների, հայերի, ռուսների, հրեաների և այլոց ժողովրդագրությունը բավական պերճախոս վայրիվերումներ ունի, ընդ որում ԽՍՀՄ փլուզումից և տարածաշրջանային դիմակայությունն սկսվելուց դեռ շատ առաջ³:

1921 թ. անցկացված առաջին խորհրդային մարդահամարը ցույց տվեց, որ խորհրդային Ադրբեջանի 1,85 մլն. բնակչությունից 41,0 հազա-

¹ Ջարևանդ, Միացյալ և անկախ Թուրանիա: Երևան, 1993, էջ 119:

² Карапетян С., Арцах, Гардман, Нахиджеван-три единая формула территориальной целостности Восточной Армении, Ереван, 2008, стр. 42.

³ Ա. Մարջանյան, Ադրբեջանական հանրապետության բնակչության աճի տեմպի և ազգային կազմի մասին, http://www.noravank.am/arm/articles/detail.php?ELEMENT_ID=6319

րը կազմում էին իուդիստ թաթեր, իսկ 91,0 հազարը՝ մուսուլման թաթեր¹, այսինքն ընդհանուր թաթերի թիվը հասել է 132 հազարի, չհաշված քրիստոնյա թաթերին, որոնց թիվը ներկայացված չէ:

Այսպես, ԽՍՀՄ բնակչության 1926թ. դեկտեմբերի 17-ի մարդահամարի՝ «ամենադեմոկրատական և մանրակրկտորեն նախապատրաստված մարդահամարի տվյալներով, որի կազմակերպիչներն ու ղեկավարները հանդիսանում էին խոշոր վիճակագիր-գիտնականներ Օ.Ա. Կվիտկինը, Վ.Գ.Միխայլովսկին և ուրիշները», Ադրբեջանական ԽՍՀ ազգային կազմը ներառում էր 93 ազգ և ազգություն: Ընդ որում, ինչպես հայտնի է, Ադր.ԽՍՀ (որն այն ժամանակ մտնում էր Անդրկովկասյան ԽՂՍՀ-ի մեջ) տիտղոսակիր ազգերը կովկասյան թաթարներն էին («թյուրքերը») և հայերը: 1926թ. մարդահամարի արդյունքների համաձայն՝ «թյուրքերը» կազմում էին Ադր.ԽՍՀ բնակչության ընդհանուր թվի 63.3%-ը (1.185 մլն մարդ)²:

1926թ. մարդահամարի տվյալների համաձայն թաթերի թիվը հասել է 28,4 հազարի, այնուհետև 1939 թվի վիճակագրությամբ այլևս չեն ներկայացվում, իսկ արդեն 1979 թ. մարդահամարի տվյալներով նրանց թիվը հասնում է շուրջ 9000-ի: 1989 թվին նրանց թիվը հասնում է 10 հազարի, իսկ 1999 թ.-ին՝ 10,9 հազարի³: Թաթերի թվաքանակի հետ կապված նման անհասկանալի տատանումներն ակնհայտ են դարձնում այն հանգամանքը, որ և՛ Խորհրդային Ադրբեջանում, և՛ ներկայիս Ադրբեջանի հանրապետությունում անցկացված մարդահամարները և դրանց արդյունքում ի հայտ եկած վիճակագրական տվյալները չեն արտահայտում ստույգ իրողությունը: Նշենք նաև, որ ոչ պաշտոնական, մոտավոր հաշվարկներով թաթերի թիվը ներկայումս Ադրբեջանի հանրապետությունում կազմում է 500-600 հազար⁴: Նույնն է նաև Շահդադի ժողովուրդների (ջեկեր, բուդուղներ, խապուտիներ, խինալուզներ, կրիզներ) ճակատագիրը: Ինչպես արդարացիորեն նշում է Աշխարհի ժողովուրդների հանրագիտարանը, «Շահդադի խմբի ժողովուրդների թվաքանակը կարելի է նշել միայն գնահատաբար, քանի որ Ադրբեջանի պաշտոնական իշխա-

¹ Мурадян И., Таты-базовая составляющая азербайджанской государственности, <http://analitika.at.ua/news/>, 30.11.2009.

² Ա.Մարջանյան, Ադրբեջանական հանրապետության բնակչության աճի տեմպի և ազգային կազմի մասին, http://www.noravank.am/arm/articles/detail.php?ELEMENT_ID=6319

³ Мурадян И., Таты-базовая составляющая азербайджанской государственности, <http://analitika.at.ua/news/>, 30.11.2009.

⁴ Նույն տեղում:

նությունները նրանց դիտարկում և համարում են որպես ադրբեջանցիներ»¹:

Առավել անհասկանալի է թվում թալիշների թվաքանակի հետ կապված վիճակագրությունը: ԽՍՀՄ 1926թ. մարդահամարի տվյալների համաձայն՝ Ադր.ԽՍՀ-ում ապրում էր 77.3 հազ. թալիշ²: 1937թ. մարդահամարի տվյալներով Ադր.ԽՍՀ-ում ապրում էր 99.2 հազ.թալիշ: Երկու տարի անց, համաձայն ԽՍՀՄ 1939թ. մարդահամարի տվյալների, թալիշների թիվն Ադր.ԽՍՀ-ում նվազում է մինչև 87.5 հազար: Ինչու 1939 թ.-ի մարդահամարի տվյալներով 87,5 հազարի հասնող թալիշները այնուհետ այլևս չեն հիշատակվում մարդահամարներում որպես առանձին ժողովուրդ: Նրանք վերանալ չէին կարող, քանզի նրանց զբաղեցրած տարածքում որևէ բնական աղետի կամ կոտորածների վերաբերյալ տեղեկություններ չունենք, պատասխանը մեկն է՝ նրանք սկսում են գրանցվել որպես ադրբեջանցի: Թալիշների անհետանալը Ադրբեջանի բնակեցնող ժողովուրդների շարքից «պաշտոնականացրեց» Սովետական Մեծ Հանրագիտարանը, քողարկելով ակնհայտ խեղաթուրումը հետևյալ տողերով. «ԽՍՀՄ-ում թալիշները գրեթե միաձուլվել են ադրբեջանցիներին, որոնց նրանք մոտ են նյութական և հոգևոր մշակույթով և առանձնացված չեն 1970 թ.-ի մարդահամարում»³: Դարերի պատմություն ունեցող թալիշների և քոչվոր թյուրքերի հետնորդների՝ նորահայտ ադրբեջանցիների միակ ընդհանրությունը կրոնն էր, որը չէր կարող հիմք հանդիսանալ մշակութային միաձուլման համար:

Այնուամենայնիվ, 1989 թ.՝ Գորբաչովյան «վերակառուցման» ալիքի ներքո «ծուլված» թալիշ ժողովուրդը կրկին հայտնվում է վիճակագրական տվյալներում: Այդ ժամանակ նրանք թվագրված էին 21,2 հազար, իսկ 1999 թ. տվյալներով թալիշների թիվը հասնում էր 76,8 հազարի⁴: Հասկանալի է՝ 10 տարվա ընթացքում նման քանակական աճ գրանցվել չէր կարող, սակայն կենտրոնական իշխանության որոշակի թերացումը հանգեցրեց այն բանին, որ «ծուլված» թալիշները կրկին սկսեցին արձանագրվել որպես թալիշներ:

¹Народы мира. Энциклопедия. М.: ОЛМА, 2007,с. 129.

²Всесоюзная перепись населения 1926 года, М., Издание ЦСУ Союза ССР, 1928-29. Том 14, с. 11-13.

³Большая Советская Энциклопедия, том 25, Москва, 1976, стр. 237.

⁴Мелик-Шахназарян Л., Азербайджан. Толерантные жонглеры от статистики, <http://www.verkramas.org/news/>, 30.11.2009.

1959 թ.-ի մարդահամարի տվյալներով ուղիները ներկայացված են 3202 մարդ¹, 1970 թ.-ին՝ 5492, իսկ 1979 թ.-ին՝ 5841²: Անհասկանալի է՝ ինչպես 100 տարվա ընթացքում ուղիների թիվը ավելացել է մոտ 350-ով, մինչդեռ աղբբեջանցիների թիվը՝ գրեթե մեկ միլիոնով՝ 3776778-ից հասնելով 4708832-ի³: 1989 թ.-ի մարդահամարի տվյալներով ուղիների թիվը Աղբբեջանում հասել է 6000⁴: Աղբբեջանական ուժացման քաղաքականության արդյունքում իրենց պատմական հայրենիքում ապրող ուղիները ներկայումս կանգնած են անհետացման իրական վտանգի առջև:

Անդրադառնանք լեռնային հրեաների թվաքանակի հետ կապված խնդիրներին: Դժվարությունն այն է, որ նրանց թվաքանակը նշվում է կամ եվրոպական հրեաների կամ էլ թաթերի անվան տակ: Հիմնվելով 1959 և 1970 թվերի մարդահամարների տվյալների և տարբեր գնահատականների վրա՝ 1970թ.-ին լեռնային հրեաների թիվը կազմել է շուրջ 50-70 հազար⁵: Ընդ որում 1970 թ. մարդահամարի ժամանակ 17109, իսկ 1979 թ.-ին մոտ 22000 լեռնային հրեաներ գերադասել են անվանել իրենց թաթեր՝ խուսափելու համար կենտրոնական իշխանությունների կողմից հրեաների դեմ ուղղված խտրականության քաղաքականությունից⁶: Սակայն, եթե ուշադրություն դարձնենք, կտեսնենք, որ թաթերը 1970թ.-ին ներկայացված են 7,8 հազարով, իսկ 1979 թ.-ին՝ 8,8 հազարով: Այսինքն՝ թաթերի թվաքանակի արհեստական նվազեցման հետ մեկտեղ չեն գրանցվել տվյալ ժամանակահատվածում իրենց թաթ անվանած հրեաները: Սա իրականության քողարկմանն ուղղված աղբբեջանական վիճակագրության հերթական դրսևորումներից է: Բացի այդ 1989 թ. Աղբբեջանում գրանցվել են 30,8 հազար հրեա, իսկ 1999 թ.-ի մարդահամարի տվյալներով՝ 8,9 հազար: Մինչդեռ եվրոպական «Սոխնուտ» կազմակերպության տվյալներով 1989-99 թթ. Աղբբեջանից հեռացել են շուրջ 31,3

¹Центральное статистическое управление при Совете Министров СССР. Итоги всесоюзной переписи населения 1959 года. Распределение населения по национальности и родному языку, Аз. ССР, Москва, 1963, таблица 53, стр. 134-135.

²Центральное статистическое управление Азербайджанской ССР. Итоги всесоюзной переписи населения 1979 года по Аз. ССР. Численность населения от дельных национальностей по Аз. ССР в 1970 и 1979 гг., Баку, 1981, таблица 19, стр. 149-150.

³Նույն տեղում:

⁴Мамедов А., Некоторые аспекты современной этнической ситуации в Азербайджане, <http://www.ca-c.org/journal/>, 30.11.2009.

⁵Горские евреи-статья на сайте Краткой Еврейской Энциклопедии, <http://lingvoforum.net/>, 25.11.2009.

⁶Նույն տեղում, <http://lingvoforum.net/>:

հազար հրեա¹: Ներկայումս լեռնային հրեաները հաշվվում են մոտ 35000²:

Ինչ վերաբերում է ինգիլոներին, ապա պաշտոնական փաստաթղթերով նման ժողովուրդ նույնիսկ գոյություն չունի. նրանք անցկացված մարդահամարներում ընդհանրապես չեն հիշատակվում: Ներկայումս ինգիլոներիթիվը կազմում է շուրջ 10000³, ամեն դեպքում ըստ ադրբեջանական հեղինակներից մի քանիսի հաղորդած տեղեկությունների: Ցավոք, մենք այլ հավաստի տվյալներ չունեն քինգիլոների ստույգ թվաքանակի հետ կապված:

Քրդերի թիվը 40,9 հազարից 13 տարվա ընթացքում կրճատվել է հասնելով 6000-ի: Նման քանակական նվազում անհնար են այն պայմաններում, երբ 20-ական թթ. քուրդ մուսուլմանների առանձին ընտանիքներ տեղափոխվում էին Հայաստանից Ադրբեջան, քանի որ Ադրբեջանում մեծամասամբ մուսուլմաններ էին բնակվում: Հաշվի առնելով, որ 20-ական թթ. կեսերին քրդերի թիվը Հայաստանում և Վրաստանում աճել էր 3,5-ից 4 անգամ⁴, ինչպես նաև քրդերի ծնելիության բարձր մակարդակը՝ նրանց թիվը միանշանակորեն պետք է աճեր, այլ ոչ թե կրճատվեր շուրջ յոթ անգամ: Իսկ, 1979 թ. մարդահամարի «տեղեկագրում Ադրբեջանում քրդերի թիվը չի հիշատակվում», որն ադրբեջանցի տխրահռչակ պատմաբան Աբասովը պատճառաբանում է ասելով, որ«հավանաբար, հաշվի է առնվել նրանց նվազման միտումը»⁵: 1989 թ. տվյալներով քրդերի թիվը Ադրբեջանում կազմել է ավելի քան 12000 մարդ⁶, մինչդեռ ոչ պաշտոնական, մոտավոր հաշվարկներով նրանց թիվը հասնում է 350-400 հազարի⁷:

Այժմ անդրադառնանք Ղաղստանյան ժողովուրդներից լեզգիների, ավարների և ցախուրների վերաբերյալ եղած վիճակագրական տվյալներին: Այսպես, եթե լեզգիների տեսակարար կշիռը 1921 թ. վիճակագրությամբ կազմել է 3,5% (111 հազար մարդ), ապա 1939 թ. կրճատվել է

¹ Мелик-Шахназарян Л., Азербайджан. Толерантные джонглеры от статистики, <http://www.yerkramas.org/news/>, 30.11.2009.

² Նույն տեղում, <http://www.ca-c.org/journal/>:

³ Еще раз об азербайджанских курдах, <http://www.ezidxane.ru/>, 30.11.2009.

⁴ Еще раз об азербайджанских курдах, <http://www.ezidxane.ru/>, 30.11.2009

⁵ "Коммунист Азербайджана", 1989, № 2, с. 83.

⁶ Мусабеков Р., Становление независимого азербайджанского государство и этнические меньшинства, <http://www.shakarov-center.ru/publications/azrus/>, 30.11.2009.

⁷ Еще раз об азербайджанских курдах, <http://www.ezidxane.ru/>, 30.11.2009.

հասնելով 2,4%-ի¹: 1959 թ.-ի մարդահամարի տվյալներով լեզգիները ներկայացված են 98211², իսկ 1970 և 1979թթ վիճակագրական տվյալներով լեզգիները կազմում են համապատասխանաբար 137250 և 158057 մարդ³: Թվում է, որ քանակական աճ է գրանցվել և նրանց վերաբերյալ վիճակագրական տվյալները արժանահավատ են, սակայն էականորեն նվազել է նրանց տեսակարար կշիռը: 1989 թ. տվյալներով լեզգիները կազմում են 171 հազար մարդ, իսկ 1999 թ. տվյալներով՝ մոտ 180 հազար⁴: Չնայած որ լեզգիների տեսակարար կշիռը կրճատվել է հասնելով 2,2%-ի, հայ և ռուս բնակչության տեսակարար կշռի կրճատման պայմաններում նրանք իրենց թվաքանակով ներկայումս երկրորդն են ադրբեջանցիներից հետո⁵:

Ինչ վերաբերում է ավարներին, ապա նշենք, որ 19-րդ դարի վերջին ներկայիս Ադրբեջանի հանրապետության տարածքում բնակվել են շուրջ 60000 ավար: ԱՂՀ-ի շրջանում (1918-1920 թթ.) ավարների թիվը նշվում էր 15000⁶: 1959 թ.-ի մարդահամարի տվյալներով ավարների թիվը կազմում է են 17254 մարդ⁷, իսկ 1970 և 1979 թթ. վիճակագրական տվյալներով նրանց թվաքանակը ներկայացված է 30735 և 35991 մարդ⁸: 1989 թ. ավարների թիվը Ադրբեջանում հասնում է 44 հազարի, իսկ 1999 թ.՝ 50,9 հազարի⁹: ներկայիս Ադրբեջանի Հանրապետությունում հասնում է մոտ 102,4 հազարի¹⁰: Սա նշանակում է, որ Խորհրդային Ադրբեջանի ասիմիլիացիոն քաղաքականության արդյունքում, չնայած ավարների

¹Мусабеков Р., *նշված տեղում*, <http://www.shakarov-center.ru/publications/azrus/>, 30.11.2009.:

²Центральное статистическое управление при Совете Министров СССР. *Итоги всесоюзной переписи населения 1959 года. Распределение населения по национальности и родному языку*, Аз. ССР, Москва, 1963, таблица 53, стр. 134-135.

³Центральное статистическое управление Азербайджанской ССР. *Итоги всесоюзной переписи населения 1979 года по Аз. ССР. Численность населения отдельных национальностей по Аз. ССР в 1970 и 1979 гг.*, Баку, 1981, таблица 19, стр. 149-150.

⁴Мусабеков Р., *նշված տեղում*, <http://www.shakarov-center.ru/publications/azrus/>, 30.11.2009.:

⁵Мусабеков Р., *նշված տեղում*, <http://www.shakarov-center.ru/publications/azrus/>, 30.11.2009.:

⁶Мелик-Шахназарян Г., *Аварцы в Азербайджане*, <http://www.mitq.org/>, 30.11.2009.

⁷Центральное статистическое управление при Совете Министров СССР. *Итоги всесоюзной переписи населения 1959 года. Распределение населения по национальности и родному языку*, Аз. ССР, Москва, 1963, таблица 53, стр. 134-135.

⁸Центральное статистическое управление Азербайджанской ССР. *Итоги всесоюзной переписи населения 1979 года по Аз. ССР. Численность населения от дельных национальностей по Аз. ССР в 1970 и 1979 гг.*, Баку, 1981, таблица 19, стр. 149-150.

⁹Мелик-Шахназарян Г., *Аварцы в Азербайджане*, <http://www.mitq.org/>, 30.11.2009.

¹⁰Նշված տեղում, <http://www.mitq.org/>, 30.11.2009.:

աճող թվին, այնուամենայնիվ նրանց իրական թվաքանակը զգալիորեն կրճատված է ներկայացվում պաշտոնական վիճակագրական աղբյուրներում:

Ցախուրների տեսակարար կշիռը 1926 թ. կազմել է ընդհանուր բնակչության 0,7%¹: 1959թ. վիճակագրական տվյալներով նրանց թիվը կազմել է 2876 մարդ², իսկ 1970 և 1979 թթ. մարդահամարի տվյալներով ցախուրների թվաքանակը ներկայացված է համապատասխանաբար 6208 և 8546 մարդ³: Արդեն 1989 թ. տվյալներով ցախուրների թիվը կազմել է 13,3 հազար, սակայն նրանց տեսակարար կշիռը զգալիորեն նվազել էր՝ հասնելով 0,2%-ի⁴, իսկ 1999 թ. մարդահամարի տվյալներով ցախուրների թիվը հասնում է 15,9 հազարի⁵: Նշենք նաև, որոշ պաշտոնական տվյալներով ցախուրների թիվը միայն Ջաքաթալայի շրջանում կազմել է 31,9 հազար⁶:

Ինչ վերաբերում է շահդադյան խմբի ժողովուրդներին, ապա նրանց մասին տեղեկությունները սահմանափակ են: Ջեյլիցի հաղորդած տվյալներով, որոնք քաղված են 1886 թ. ընտանեկան ցուցակներից, շահդադյան խմբի ժողովուրդների քանակը այսպիսին է՝ բուդուզներ-3420, կրիզներ-7767, խինալիզներ-2315⁷: 1926 թ. մարդահամարի տվյալներով բուդուզները կազմում են 2000, կրիզները՝ 2600, խինալիզները ընդամենը՝ 100 մարդ: 1959 թ. մարդահամարի ժամանակ նրանք չեն հիշատակվում որպես առանձին ժողովուրդներ⁸:

Ստորև ներկայացնում ենք մի գծապատկեր, ուր հստակորեն երևում է, որ մարդահամարից մարդահամար հետևողականորեն և անշեղորեն ավելացվում է «աղբյուրների» թիվը Ադր.ԽՍՀ բնակչության կազմում: 1959թ. պաշտոնական տվյալների համաձայն՝ այն կազմել է հան-

¹ Мусабеков Р., Становление независимого азербайджанского государства и этнические меньшинства, <http://www.shakarov-center.ru/publications/azrus/>, 30.11.2009.

² Центральное статистическое управление при Совете Министров СССР. Итоги всесоюзной переписи населения 1959 года. Распределение населения по национальности и родному языку, Аз. ССР, Москва, 1963, таблица 53, стр. 134-135.

³ Центральное статистическое управление Азербайджанской ССР. Итоги всесоюзной переписи населения 1979 года по Аз. ССР. Численность населения отдельных национальностей по Аз. ССР в 1970 и 1979 гг., Баку, 1981, таблица 19, стр. 149-150.

⁴ Мусабеков Р., *Նշված տեղում*, <http://www.shakarov-center.ru/publications/azrus/>, 30.11.2009.

⁵ Мелик-Шахназарян Г., *Նշված տեղում*, <http://www.mitq.org/>, 30.11.2009.


⁶ Газета "Черновик", <http://www.chemovik.net/>, 30.11.2009.

⁷ Народы Кавказа (2), под. ред. Б. А. Гарданова, Москва, 1962, стр. 199.

⁸ Նույն տեղում:

րապետության բնակչության ընդհանուր թվի 67%-ը, իսկ ՍՍՀՄ գոյության վերջում, 1989թ. մարդահամարի տվյալներով, «Ադրբեջանցիների» բաժինն արդեն 83% էր: Նույն ժամանակահատվածում հայ բնակչության բաժինը նվազում է կրկնակի՝ 1959թ.12%-ի փոխարեն կազմելով 6% 1989-ին¹:

Գծապատկեր



Իսկ, ներկայումս Ադրբեջանում ազգային փոքրամասնությունների ծուլումը արագացնելու համար Գիտությունների ազգային ակադեմիայի Տեղեկատվական տեխնոլոգիաների ինստիտուտում 2010 թ. վերջին մշակվել է «Էթնիկական փոքրամասնությունների ազգանունների վերջավորության փոփոխության մասին» օրենքի նախագիծ, որը միտված է Ադրբեջանում դեռ գոյատևող ազգային փոքրամասնությունների (լեզգիներ, ավարներ, ծախուրներ, թալիշներ, թաթեր, ուդիներ, քրդեր և այլն) ինքնագիտակցության ջնջմանը և նրանց ծուլմանը²:

Ազգանունների թյուրքականացումը միտված է կասեցնելու կովկասյան ու իրանական ժողովուրդների էթնիկ ինքնագիտակցության վերագարթոնքի գործընթացը և ազգանունների վերափոխման միջոցով արագացնելու նրանց ծուլումը:

Այսպիսով, ներկայացված վիճակագրական տվյալները ակնհայտ են դարձնում Խորհրդային Ադրբեջանի ազգային հարցի լուծման մեթոդները:

¹ Ա.Մարջանյան, Ադրբեջանական հանրապետության բնակչության աճի տեմպի և ազգային կազմի մասին, http://www.noravank.am/arm/articles/detail.php?ELEMENT_ID=6319

² <http://www.vesti.az/news.php?id=61188>

Հաշվի առնելով այն հանգամանքը, որ վերոհիշյալ ժողովուրդները շարունակում են ապրել նաև ներկայիս Ադրբեջանի Հանրապետության տարածքում, իսկ ադրբեջանցի միաէթնիկ հանրություն այդպես էլ չի ձևավորվել՝ կարելի է վստահ արձանագրել՝ նման քաղաքական մեթոդները կիրառվում են նաև մերօրյա Ադրբեջանում:

Ամփոփում

Հոդվածը նվիրված է Ադրբեջանական ԽՍՀ-ում առկա ազգային հարցի և դրա լուծման ադրբեջանական մեթոդների դրսևորման գործընթացների ընդհանրական պատմությանը: Այն դիտարկում է նաև Ադրբեջանական ԽՍՀ-ի զբաղեցրած տարածքում բնակվող էթնիկական տարբեր խմբերի ժողովրդագրական պատկերը և էթնիկ խմբերի նկատմամբ վարվող ադրբեջանական էթնոցիդ քաղաքականության պատճառներն ու հետևանքները:

Этническая мозаика Советского Азербайджана и азербайджанские методы решения национального вопроса

Ваагн Дадаян

Резюме

Ключевые слова: Карабах, этнополитика, национальный, этнический, группа, Азербайджан, демографический, талыши, таты, курды, лезгины, этно имя.

Статья посвящена существующему в Азербайджанской ССР национальному вопросу и истории общих процессов и методов его решения со стороны Азербайджана.

Она также рассматривает демографическую картину проживающих разных этнических групп на территории Азербайджанской ССР и причины и последствия азербайджанской этноцидной политики.

The ethnic mosaic of Soviet Azerbaijan and the Azerbaijani methods of solving national issue

Vahagn Dadayan

Summary

Key words: Karabakh, ethno-political, national, ethnic, group, ethno name, Azerbaijan, demographic, Talishs, Tats, Kurds, Lezgis.

The article is devoted to the national issue existed in Azerbaijani SSR and the history of general processes of implementing Azerbaijani methods of its solution. It discusses also the demographic picture of the ethnic groups living in the territory of the Azerbaijani SSR, as

well as, the causes and consequences of the Azerbaijani ethnocide policy conducting towards those ethnic groups

«ՀՈՎԱՐԴ ԿԱՐԱԳՅՈՋՅԱՆ» ՀԱՍՏԱՏՈՒԹՅԱՆ ԳՈՐԾՈՒՆԵՈՒԹՅՈՒՆԸ ՀԱՅՐԵՆԻՔՈՒՄ¹

Արարատ Վարդանյան

Պատմական գիտությունների թեկնածու, պրոֆեսոր

ԱրՊՀ

Բանալի բառեր՝ «Հովարդ Կարագյոզյան» հաստատություն, բարեգործություն, Հայաստանի Հանրապետություն, Լեռնային Ղարաբաղի Հանրապետություն, առողջապահական, սոցիալական, կրթամշակութային ծրագրերի իրականացում

1988 թվականի դեկտեմբերի 7-ին Հայաստանում տեղի ունեցավ ավելի քան 9 բալ հզորությամբ ավերիչ երկրաշարժ: Այն ընդգրկեց հանրապետության տարածքի 1/3 մասը՝ մեկ միլիոն 130 հազար բնակչությամբ: Ռուպենների ընթացքում լրիվ կամ մասնակի ավերվեցին Լենինականը, Սպիտակը, Կիրովականը, Ստեփանավանը, հարյուրից ավելի ավաններ ու գյուղեր: Ավերվեց հանրապետության ամբողջ բնակֆոնդի մոտ 17%-ը: Երկրաշարժի գոտում շարքից դուրս եկան ջերմամատակարարման, էներգամատակարարման բոլոր համակարգերը, կապի, տրանսպորտի և կենցաղսպասարկման ծառայությունները: Ավերվեց ավելի քան 170 արդյունաբերական ձեռնարկություն: Ծանր վնաս կրեց գյուղատնտեսությունը, քանդվեցին անասնապահական շինությունները, ոչնչացավ անասունների մեծ մասը: Շարքից դուրս եկավ գյուղատնտեսական մթերքներ վերամշակող 80 ձեռնարկություն: Տարերային աղետը հանրապետության ժողովրդական տնտեսությանը հասցրեց ավելի քան 13 մլրդ ռուբլու վնաս: Պաշտոնական նվազեցված տվյալներով զոհվեց ավելի քան 25 հազար մարդ, 530 հազարը դարձավ անօթևան²:

Երկրաշարժից անմիջապես հետո տարբեր երկրներից հումանիտար օգնության բեռներով Հայաստան էին գալիս օդանավեր, զնացքներ, ավտոմեքենաների շարասյուներ: Համակողմանի օգնությանը մասնակցում

¹ Հռոկվաձը ընդունված է 24.11.14:

² Մինասյան Է., Հայաստանի Երրորդ Հանրապետության պատմություն, Եր., 2014, էջ 87: Տես նաև Հայոց պատմություն, դասագիրք բուհերի համար, պրոֆ. Հր. Ռ. Միմոնյանի խմբ., Եր., 2012, էջ 721-722, Մանուկյան Մ., Երկրաշարժ, Եր., 1989, էջ 3,4,5,6: